

Samningur

mennta- og menningarmálaráðuneytis við Æskulýðsvettvanginn um ráðstöfun rekstrarframlags í fjárlögum

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og Æskulýðsvettvangurinn, kt. 670412- 0830 gera með sér svofelldan samning.

1. Markmið og starfsemi

1.1. Meginmarkmið með samningi þessum eru að:

- Gefa Æskulýðsvettvanginum kost á að skipuleggja fjölbreytt félags- og tómstundastarf fyrir börn og ungmenni. Starf Æskulýðsvettvangsins skal taka mið af gildi starfsins sem félags-, forvarna-, uppeldis- og menntunarvettvangur barna og ungmenna. Æskulýðsvettvangurinn er samstarfsvettvangur sjálfboðaliðasamtaka sem leggja sérstaka áherslu á virka þátttöku ungs fólks í samfélaginu.

1.2. Starfsemi

- Æskulýðsvettvangurinn og aðildarfélög hafi aðgerðaráætlun ef upp koma mál er tengjast kynferðislegu ofbeldi eða einelti.
- Æskulýðsvettvangurinn vinni gegn hatursorðræðu á netinu og eða í starfinu. Vinni með verkefnið *Verndum þau* í samstarfi við höfunda bókarinnar, að verkefninu *Þátttaka er lífsstíll* er miðar að því að auka þátttöku ungmenna í félags- og tómstundarstarfi.
- Æskulýðsvettvangurinn vinni með KOMPÁS og Litla - kompás m.a. með námskeiðum fyrir þjálfara og kynningu á handbókunum.
- Æskulýðsvettvangurinn hafi námskeið og fræðsluverkefni öllum opin þar sem því verður við komið.
- Að Æskulýðsvettvangurinn taki mið af framkvæmdaáætlun Æskulýðsráðs í æskulýðsmálum (2014-2018).

2. Forsendur samnings og lagaheimildir

- 2.1. Framlag ráðuneytisins til samnings þessa á árinu 2017 er 6 m.kr. þar af er 1 m.kr. vegna námskeiða *Verndum þau*.
- 2.2. Æskulýðsvettvangurinn starfar samkvæmt skipulagsskrá sem var samþykkt var 18. október 2012 á stofnfundi félagsins.
- 2.3. Æskulýðsvettvangurinn starfar í samræmi við lög og reglugerðir sem gilda um umsamda starfsemi og verkefni, en einnig, eftir því sem við á eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.

3. Ábyrgð



- 3.1. Æskulýðsvettvangurinn ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. Æskulýðsvettvangurinn skal geta lagt fram gögn og skýrslur þessu til staðfestingar, sé eftir því leitað.
- 3.2. Æskulýðsvettvangurinn ber ábyrgð á skuldbindingum sem það eða aðilar á þess vegum stofna til í tengslum við samning þennan.
- 3.3. Æskulýðsvettvanginum er óheimilt að:
 - 3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - 3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

4. Upplýsingar, samskipti og eftirlit vegna fjármála

- 4.1. Ráðuneytið greiðir framlag í tólf jöfnum hlutum fyrsta dag hvers mánaðar. Greitt er inn á bankareikning í viðskiptabanka samtaka innan vébanda Æskulýðsvettvangsins sem fara með formennsku hverju sinni. Skal framlagi til Æskulýðsvettvangsins haldið aðgreindu í bókhaldi samtakanna og lagt inn á sérreikning sem tilheyrir Æskulýðsvettvanginum.
- 4.2. Æskulýðsvettvangurinn skilar ráðuneytinu:
 - 4.2.1. Áætlun um rekstur og efnahag ásamt starfsáætlun, þar sem fram komi m.a. hvernig er áætlað að ráðstafa framlaginu og helstu starfsmarkmið sem unnið verður að fyrir lok mars.
 - 4.2.2. Endurskoðuðum ársreikningi ársins á undan með skýringum fyrir lok júní og skal afrit jafnframt sent Ríkisendurskoðun.
- 4.3. Eigi Æskulýðsvettvangurinn í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda þess, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

5. Upplýsingar, samskipti og eftirlit vegna verkefna

- 5.1. Ráðuneytið hefur eftirlit með framkvæmd samningsins.
- 5.2. Fulltrúar ráðuneytis og Æskulýðsvettvangurinn funda að lágmarki árlega um samninginn.
- 5.3. Fyrir lok nóvember skilar Æskulýðsvettvangurinn ráðuneytinu greinargerð um framkvæmd samningsins þar sem fram komi meðal annars hver staða verkefna er og hvernig framlagi var ráðstafað í samanburði við áætlun.
- 5.4. Æskulýðsvettvangurinn skilar ráðuneytinu upplýsingum sem það kallar eftir vegna opinberrar upplýsingagjafar.
- 5.5. Æskulýðsvettvangurinn veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta.
- 5.6. Samning þennan, ársreikning Æskulýðsvettvangurinn greinargerð um framkvæmd samnings og úttektarskýrslur skal birta á vef Æskulýðsvettvangurinn jafnóðum og þessi gögn liggja fyrir. Ráðuneytinu er heimilt að birta gögnin á vef sínum.

6. Vanefndir og meðferð ágreinings




- 6.1. Æskulýðsvettvangurinn tilkynnir ráðuneytinu tafarlaus ef talinn er vafi leika á að það geti uppfyllt skyldur samkvæmt samningnum. Jafnframt er greint frá úrræðum sem það hyggst grípa til.
- 6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli Æskulýðsvettvangurinn ekki skyldur sínar samkvæmt samningi þessum.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

7. Gildistími og lok samnings

- 7.1. Samningurinn gildir frá 1. janúar 2017 til 31. desember 2017.
- 7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
- 7.3. Óski annar hvor samningsaðila að semja um áframhald eftir að gildistími samningsins lýkur skal hann koma því á framfæri fyrir lok október það ár sem samningurinn rennur út.
- 7.4. Óski annar hvor aðila eftir að segja samningnum upp skal það gert skriflega með þriggja mánaða fyrirvara
- 7.5. Samningur þessi er gerður í tveimur samhljóða eintökum og heldur hvor aðili eintaki.

Reykjavík 21. apríl 2017


f.h. mennta- og menningarmálaráðherra


Auður Inga Þorsteinsdóttir, formaður
Æskulýðsvettvangsins